

Ceck8at a8iia ta ki nodjkikonsike, * eka pakitenima-sik Kije Manito kikonsan.

Ceck8at a8iia ta nandomik8egoban, * eka 8itoka8e-nimigosik Kije Maniton kitci mikomik8etc.

Ka8in napite ki ta ki abadjitosinanan kit inanoki8i-ninan, * eka 8itoka8eniminang Kije Manito.

Ka8in a8iia apenimosi8ite 8i ia8; * mi eta Kije Ma-nito ket apenimonani8ite.

A8iia 8itoka8enimigote Kije Maniton, ningot ena-nokidjin, * apitci o mino abadjito ot inakoki8in.

Ningot enanokiangon, pagosenimata Tebeningetc kitci 8itoka8eniminang, * eckam eckam ki ga pakin8a-gemin Kije Manitonang inakak.

IV.

Teisa8akenindamo8in apitci gotanenindag8at, * apitci cingenindag8at.

Teisa8akenindamo8ining 8endji ki 8ebimigote Adañ Matei Maniton, * mi gale 8endji mikockadjihinang Matei Manito kakina enicinabe8ing.

Teisa8akenindamo8in o ki paci8inigon Kaefi, * mi ka ondji nisâte tibina8e o cimenjan, Aben ijinikazonigoban.

Teisa8akenindamo8ining 8endji ki ata8ani8ite Jozep ena8indibanen, * tibina8e gotc 8ikanisa o ki totagò.

Teisa8akenindamo8ining 8endji ki patato8ate Kore Datañ, Abirofi gale * mi ka ondji kaketin pasankehogo-8ate Kije Maniton.

Kaiasikate ki kota8akamikisek, tackakamikisenigoban aki, * mi dac tec igote kiki nodjim i pindikese8agobanen anamakamikong.

Teisa8akenindamo8ining 8endji ki nisa8ate Jezosan Joda8inini8ak, * mi ka ondji aina8agobanen Pinatan : acitak8a8 teipaiatikong.

Teisa8akenindi8ining ondji kijiomagat anote maia-natak * pak8anonge8in, kikandi8in, mikati8in, nisiti8in.

Songa pagosenimata Tebeniminang kitci eka 8ikat teisa8akenimasi8ang a8iia, * kitci iji ca8eniminang monjak pagosenimata.